



ঘুমদুলে নাকি সাড় থাকে না...

শুধু সাড়! ষাঁড় বাঘ কিছাই থাকে না বঁয়।

সেই কারণেই পাণ্ডিতেরা ঘুমকে অসার ব'লে থাকেন, কিন্তু আমার মতে, ঘুমই হচ্ছে এই জীবনের সবচেয়ে সারালো জিনিস।

কিন্তু মশাই বলুন তো, জীবনের সেই সারভাগে যদি কোন ষাঁড় এসে ভাগ বসায়...সেটা কি একটা জীবন-মরণ-সমস্যাই হয়ে দাঁড়ায় না?

জীবন আমাদের ঘুমতে ওস্তাদ! বিছানায় গড়ালো কি মড়া ও। দেখতে না দেখতে ওর নাক ডাকছে—শুনতে শুনতে দ্যাখো!

রাতভোর জেগে জেগে শুনতে থাকো ঐ কাড়া-নাকাড়া!

জীবনকে আমরা সাধলাম—যাবি দেখতে? শহর থেকে বয়স্কাউটেরা এসেছে—ছাউটিন ফেলেছে সিঙ্গিয়ার মাঠে—ক্যাম্প-ফায়ার—আরে কত কি নাকি হবে আজ রাত্তিরে—যাস্ তো আমাদের সঙ্গে চল।

ঘাড় নাড়লো জীবন—‘আমার তো আর খেয়েদেয়ে কাজ নেই!’

‘কী তোমার কাজ শুনিন? কাল তো রোববার।’

‘খেয়েদেয়ে যা কাজ—ঘুম লাগাবো।’

হোস্টেলের সুপারিন্টেন্ডেন্ট ছুটি দিয়ছিলেন আমাদের। রাত দশটার মধ্যে ফিরলেই চলবে। দশ মানেই এগারো—আর যেখানে এগারো সেখানে বারোটা বাঁজয়ে ফিরলেও দেখবার কেউ নেই। সুপার কিছতেই অত রাত অবধি জেগে থাকবে না—ঠিক সময়ে ফিরিছ কিনা দেখবার জন্যে। এতগুলো সুযোগ-সুবিধা জীবনে কবার আসে? আর, সবার সামনেই এগুলো সমভাবে উন্মুক্ত। জীবনের সামনেও উন্মুক্ত করা হলো। শুনো ও খুঁশি

হয়ে উঠলো—‘তোরা কেউ থাকবি নে নাকি? আঃ বঁচা গেল বাবা! তাহলে তো কোন ঝামেলাই নেই। তোফা একখানা ঘুম লাগানো যাবে।’

সিঙ্গিয়ার মাঠে যাবার পথে দেবীপুরের হাট। ভজুর মাসি বলেছিল সেখান থেকে এক ভাঁড় মধু ধোঁগাড়া করতে। সোনালী রঙের চাক-ভাঙা খাঁটি মধু। ভজুর বললে যদি তার সাথে যাই তো সে একটু চাখতে দেবে আমার তার থেকে।

এত মধুর কথা আমি ভজুর মুখে কোনদিন শুনিনি। শূনে মধুর লোভে হোস্টেলের ছেলেদের দঙ্গল ছেড়ে ভজুর সঙ্গে নিলুম। দেবীপুরের শনিবারি হাট তখন ভাঙা ভাঙা। সেই ভাঙা হাটে মধুওয়ালাদের খঁজে বের করতে সন্ধে উৎরে গেল।

ভজুর মাসি থাকেন কলকাতায়, বোনের গাঁয়ে বেড়াতে এসেছেন—মধুর জন্যেই নাকি! কলকাতায় খাঁটি মধু বিরল। ঝোলা গুড়কে জল দিয়ে আর জ্বাল দিয়ে, ফোঁটয়ে ফোঁটয়ে আর ফুঁটিয়ে ফুঁটিয়ে আরো বেশি ঝুলিয়ে বোতলে ভরে মধু ব’লে চালানো হয়—দেখতে হুবহু মধুর মত হ’লেও তার সোয়াদ নাকি তেমন স্মমধুর হয় না।

কে নাকি বলেছে ভজুর মাসিকে, বনগ্রামে মধু মেলে। আর তেমন মধু নাকি কোনখানে মেলে না। তাই বোনকে চোখে দেখার সাথে বন্য মধুর সোয়াদ চেখে দেখার লোভেই বোনের গ্রামে—এই বুনো গাঁয়ে তিনি এসেছেন।

এক ভাঁড় মধু কিনলো ভজুর। আমি বললাম—‘কই দে। চাখতে দিবি বলেছিলাম।’

‘এখন কিরে? এখন কী? ফরমাসি মধু যে! মাসিমাকে আগে দিই! দিয়ে তার পরে তো? তাঁর জার ভার্তি হবার পর ভাঁড়ের গায়ে যা লেগে থাকবে তার সবখানিই তো আমাদের। তোর আর আমার।’

জারের কথায় আমি ভারি ব্যাজার হলাম—‘যা, রেখে দে তোর মধুর ভাঁড় তোর মাসির ভাঁড়ারে। চাইনে আমি চাখতে ফরমাসির মধু তোর for মেসো রেখে দেগে!’

তারপর ভাঁড় ঘাড়ে ক’রে আবার আমাদের যাত্রা শুরু হলো। হাট ভেঙে আমরা সিঙ্গিয়ার পথ ধরলাম।

ক’ষে হাঁটন লাগিয়েছি। কিন্তু কোশের পর কোশ পেরিয়ে গেল সিঙ্গিয়ার দেখা নেই। এদিকে কোশে কোশে ধূল-পরিমাণ! ধুলোর আর পরিমাণ হয় না। পাড়াগাঁর রাস্তা তো?

এর মধ্যে সরু একফালি চাঁদ উঠেছিল। ভজুর বললে—‘চ, মেঠো পথ ধরা যাক। তাহ’লে আর এই ধূলো ঠেলতে হবে না। মাঠে মাঠে শর্টকাট ক’রে চলে যাওয়া যাবে বেশ।’

মেঠো পথে পা দিতেই চাঁদটাও যেন মেঘের সঙ্গে লুকোচুরি খেলতে

লাগলো। এই এক ছিরিক আলো, তার পরেই ঢালাও আঁধার। আলেয়া নেই বটে, তবে আলের গায়ে ঠোঁকর খেতে খেতে নাজেহাল হলাম! একবার তো হৌচোট খেয়ে নিজের ঘাড়েই গিয়ে পড়লাম। ঘাড়ে মধুর ভাঁড় ছিল, তার চোটে চল্কে উঠে জামায় পড়লো। এমন চটে গেলাম নিজের ওপর যে বলবার নয়। চটচটে হয়ে গেল জামাটা।

এমনিভাবে আরেকবার আলের ওপর হুমড়ি খেতে গিয়ে কার যেন গায়ের ওপর পড়েছি।

পড়তেই আমি গাঁক ক'রে উঠলাম।

‘ষাঁড়ের মতন চ্যাঁচাচ্চিস্ যে?’ ভজ্জর চেঁচায়।

‘ও তুই! তোর গায়েই টাল খেয়েছি, তাই বল।’ শব্দশ্রবণ ছলে আমি ওর গায়ে হাত বুলাই। ‘যাই বল ভজ্জ, খেয়ে না খেয়ে শরীরটা তুই বাগিয়েছিস বটে!’

আমার কথায় ভজ্জ এবার গাঁক করে।

‘ষাঁড়ে মত চেঁচায় না, ছিঃ!’ আমি বলি—জাঁক কববার মতন চেহারায় পেয়েছিস—পেয়ে আবার গাঁক করছিস? আহা, তোর মতন এমন নখর দেহ যদি জামায় হোতো রে ভাই—বলতে বলতে (আর, বোলাতে বোলাতে) ওর লেজে আমার হাত পড়ে। বেশ লম্বা একখানা লেজ!

‘আরে, এ কিরে! তোর আবার ল্যাজ হলো কবে? তুই ল্যাজ গজিয়েচিস—কই তোর লেজের কথা তো কোনদিন আমায় বলিস নি? য়ুগাক্ষরেও না!’—ভজ্জর লেজাম্বতার পরিচয় পেয়ে হতবাক হতে হয়।

‘ষাঁড়ের গোবর তোর মাথায়!’ ভজ্জ বলে—গাঁক গাঁক ক'রে।

(কিন্তু বলতে বলতে গাঁকায়।)—‘যেমন ষাঁড়ের মতন বুদ্ধি, তেমনি হয়েছে ষাঁড়ের মতই গলা!’

ক্রমে ওর শিঙে হাত পড়তেই টের পেলাম যে ভজ্জ নয়। ভজ্জ ওরফে ষাঁড়। তখন আমি বলি—‘আমি না ভাই, একটা ষাঁড়। ষাঁড়টাই আমার মতন ডাকাঁছিলো।’

সেই সময়ে মেঘের ঘোমটা ফাঁক করে চাঁদামামা উঁকি মারেন, আর ষাঁড়চন্দ্র নিজমূর্তিতে দেখা দেন। আমি ভজ্জকে দেখাই—‘এইটেই এতক্ষণ গাঁক গাঁক ক'রে আমাদের ভাষায় কথা কইছিলো। আর এইটেই হাত দিয়ে—ষাঁড়টার এই সারাংশে—বুঝালি কিনা—আমি ভেবেছি যে, এটা বুঝি তোর ল্যাজ!’

ষাঁড়টা মাথা চালে। নিজের লেজে বারবার পরের হস্তক্ষেপ সে পছন্দ করে না বলেই মনে হয়।

ওর মাথার চাল দেখে ভজ্জ আমায় জিগ্যেস করে—‘ওটা অমন করে মাথা খেলাচ্ছে কেন রে? মতলব কী ওর?’

‘কাঁ খেলছে ওর মাথায় ওই জানে !’ আমি বলি—‘তবে শুনোই গাঁতোবার আগেই নাকি ওরা মাথাটাকে অর্মান ক’রে খেলিয়ে দেয়—’

‘অঁয়াক্ ?’ ষাঁড়ে মতই এক আওয়াজ, কিন্তু ষাঁড়ের নয়, ভজ্জুর। আমার কথা শেষ হবার আগেই ভজ্জু, কাছেই একটা যে গাছ ছিলো, তার ডালে লাফিয়ে উঠেছে। আমাকে আর বলতে হয় না, আমিও ততক্ষণে আরেক ডালবাহাদুর হয়ে বসেছি দেখতে না দেখতে।

ষাঁড়টা তখন আমাদের কাছ ঘেঁষে আসে—গাছ ঘেঁষে দাঁড়ায়। গাছের গাঁড়িতে শিং ঘষতে থাকে। আর মাঝে মাঝে ঘাড় তুলে তাকায় আমাদের দিকে। আর গাঁক গাঁক করে।

‘মানে কি রে এর ?’ ভজ্জু জিগ্যোস করে।

‘আমরা যেমন ধার বাড়াবার জন্যে ছুরিতে শান দিই নে ? ও তেমন নিজেই শিং শানিয়ে নিচ্ছে।

‘গাঁ-গাঁতোবে নাকি রে ?’ ভজ্জু ভয়ে তোঁলা মেরে যায়।

‘নি-নি-নির্ধাৎ !’

‘তাহ’লে সারা রাত দেখাছ এই গাছের ডালে ব’সেই কাটাতে হবে আমাদের !’ ভজ্জু দীর্ঘনিঃশ্বাস ছাড়ে। ‘কোথায় সিজ্জার মাঠ আর কোথায় এই-ই—য়া শিং ! কোথায় বয়স্কাউটের মেলা আর কোথায় এই ষাঁড়ের খেলা ! ভাবতে গেলে কান্না পায় !’

‘তোর মধুর ভাঁড়টা দে তো আমায়।’ আমি ভজ্জুকে বলি ‘ওকে একটু মধু খাইয়ে দেখি—যদি ওর রাগটা কিছ্ পড়ে। মধু খেয়ে মেজাজটা একটু মিষ্টি হয় যদি।’

তাক ক’রে খানিকটা মধু ওর মূখের ওপর ছাড়া। ষাঁড়টা জিভ দিয়ে চেটে নেয় ; চেখেটেখে খুঁশ হয়েছে ব’লেই মনে হয়। ফের আবার হাঁ ক’রে তাকিয়ে থাকে আমাদের পানে। আধ-চাঁদনির আবছায়ায়—আবছা আলোয় স্পষ্ট ক’রে বোঝা যায় না, তাহ’লেও সেটা ওর মধুর দৃষ্টিই যে সে বিষয়ে সন্দেহ নেই।

ভাক করে ভাঁড়টা আমি হাঁকড়ে দিই ওর নাকের ওপর। ভজ্জু হাঁ হাঁ করে ওঠে—‘এই এই। করলি কি ! মাসিমার মধু যে, অঁয়াক্ ?’

‘মধুরেণ সমাপয়েৎ করলাম। বেঁচে থাকলে বহু মধু পাওয়া যাবে ভাই, আর বিস্তর মাসি। কিন্তু বেঘোরে এখানে মারা পড়ে বাসি হয়ে গেলেও কেউ দেখবে না !’

ভাঁড়টা তাক ফসকে—তার নাক ফসকে—মাটিতে গিয়ে পড়ে। ভেঙে ছাড়িয়ে যায় চারধারে। আর, ষাঁড়টা হর্মাড়ি খেয়ে পড়ে তার ওপর। একহাত জিভ বার করে চাটতে থাকে।

ভজ্জুকে বলি—‘আর না ! আর দেরি নয়। এইবার যতোক্ষণ ও মধু নিয়ে মস্ত থাকবে সেই ফাঁকে আমরা সটকাই আয়।’

চট করে আমরা গাছ থেকে নেমে পড়ি। নেমেই ছুট !

কিছু ষাঁড়ের জিভ যে আমাদের চার ডবল তা কে জানতো ? এক লহমায় সে ভাঁড়ের মধু খতম করে—মাঠের টুকুও চেটে নিয়ে আমাদের পিছদ নেয়। গোরুদের সঙ্গে আমাদের গরমিল ঠিক এইখানেই। ওরা আলাদা জীব। কোথায় একটা ভালো জিনিস পেলে আমরা ধীরে স্নেহে তারিয়ে খাই, আর ওরা তাড়াতাড়ি খেয়ে তারপরে তারায়—যার নাম নাকি রোমন্বনে—চার পা তুলে আমাদের তেড়ে আসে।

‘ষাঁড়টা বোধহয় গর্ভতে আসছে, না রে—?’ ছুটতে ছুটতেই ভজুকে বলি—‘মনে হচ্ছে আরো মধু পাবার জন্যেই—’

‘তোকে বলেছে !’

‘এক ভাঁড়ে আর কী হবে ওর ! এক জালা হলেও কিছুটা হোতো না হয়—’

পাড়ি কি মরি ক’রে ছুটেছি। এটাকে, কবির ভাষায় বলতে গেলে, ‘আকাশ জুড়ে মেঘ করেছে চন্দ্র ডোবে ডোবে। ষাঁড় ছুটেছে পিছদ পিছদ মধুর লোভে লোভে।’ ছুটতে ছুটতে আমরা হোস্টেলের এলাকায় এসে পড়লাম। তখনো কিছু পাষাণটা পিছদ হাভেনি।

‘কী হ্যাংলা তাই !’ ভজু না বলে পারে না—‘এমন আদেখলে ষাঁড় আমি জন্মে দেখিনি !’

আমি বললাম—‘দাঁড়া, ষাঁড়টার সঙ্গে একটা চালাকি খেলা যাক’ বলে, হোস্টেলের গা-লাগা যে চালাঘরে আমাদের কয়লা ধঁটে ইত্যাদি মজুত থাকতো, ভজুকে মনিয়ে আমি তার ভেতরে গিয়ে সেঁধুই। বলা বাহুল্য, ষাঁড়টা সেখানেও আমাদের অনুসরণ করে। কিছু চুকেই না, আমরা ওঁদিকের জানালা দিয়ে গলে বোরিয়ে এসেছি বাছাধন সেটি আর টের পায়নি—বাহুরে বর্দ্বিত তো ! বোরিয়ে এসে আমরা ওঁদিক থেকে বাইরের শেকল তুলে দিই—‘থাকো বাবা, যাবজ্জীবন কারাবাসে—আজ রাস্তিরের মতন !’

ষাঁড়কে শঙ্খলিত করে আমরা শূতে বাই। কিছু শোয়া—ঐ নামমাত্রই ! ঘুমের দেখা নেই। মূহুমূহু কানে যেন শূল বিঁধতে থাকে ! বাপরে ষাঁড়টার সে কী ডাক ! সিংহনাদ কখনো শুনিনি, কিছু ষাঁড়ের নাদ তার কোনো অংশে খাটো নয়, সেকথা আমি হলপ করে বলতে পারি।

আটচালা ফাঁড়ে, হোস্টেলের পাকা দেওয়াল ফুটো করে আসতে থাকে সেই ষাঁড়। জীবন দুর্বিষহ করে তোলে (তখনও কিছু জীবন-দুর্বিষহের সবটা আমরা টের পাইনি !)।

ভোরে উঠেই প্রথম কাজ হলো ষাঁড়টাকে বার করার—সুপারিন্টেন্ডেন্ট ওঁদের আগেই। হোস্টেলের বাচ্চা চাকরটাকে ডাকলাম। তাকে আমরা মোষের পিঠে চড়ে বেড়াতে দেখেছি—অমন মোষের বে পুষ্টিপোষকতা করতে

পারে সে কি আর তুচ্ছ একটা ষাঁড়ের মোসাহেবী করতে পারবে না ? মিষ্ট কথায় তাকে তুচ্ছ করে, কি গায়ে হাত বুলিয়ে, কি যা করেই হোক সামান্য একট ষাঁড়কে সায়েস্তা করা তার পক্ষে এমন কী ?

‘এই বংশী, চালাঘরের মধ্যে একটা ষাঁড় ঢুকে বসে আছে তাকে কায়দা করে বার করতে পারবি ?’

‘আট আনা হ’লে পারি ।’

ভজ্জ বললে, ‘দু আনা ।’

বংশী ।—না, আট আনা ।

আমি ।—দশ পয়সা ।

বংশী ।—আট আনা ।

ভজ্জ ।—চার আনা ।

বংশী ।—না বাবু, আট আনা চাই ।

আমি বললাম—নারে, না, মোট-মোট সাড়ে চার আনা পারি ।

বংশী ।—আট আনা । (বংশীর সেই এক কথা ।)

ভজ্জ । ছ’আনা—

আমি । সাড়ে ছ’ আনা— আশ্বে আশ্বে বাড়ানো আমার ।)

ভজ্জ যেন হঠাৎ স্ক্লেপে গিয়ে বলে উঠলো—না না, আনাই । আট আনাই দেও, কিন্তু ষাঁড়টাকে বার করা চাই—

বংশী তখন লম্বা একটা বাঁশ নিয়ে এলো । তারপরে আটচালার পেছনে গিয়ে জানলা গলিয়ে সেই বাঁশ দিয়ে খোঁচাতে লাগলো ষাঁড়টাকে ।

বংশী আর বংশ দু’জনে মিলে কি করলো তারাই জানে, একটু পরেই আমরা চালাটার এধার ফর্দে একজোড়া শিং বেরুতে দেখলাম, তারপর সেই শিংয়ের পিছদ পিছদ গোটা ষাঁড়টাকেই বেরিয়ে আসতে দেখা গেল । লেজ আর আওরাজ একসঙ্গে তুলে—শিং নাড়তে নাড়তে হুড়মুড় করে বেরিয়ে এলো পাষাণটা । বেরিয়েই আর কোনো ধার না থাকিয়ে দুন্দাড় এক ছুট লাগলো মাঠের দিকে ।

আর আমাদের বংশী, সবংশে, ছুটলো তার পিছন পিছন—সে দৃশ্য দেখবার মতই ।

কিন্তু এসবেরও বড়ো আরেক দ্রুতব্য ছিলো—সেটা দেখা দিল তারপরেই ।

জীবন আমাদের বেরিয়ে এলো চোখ রগড়াতে রগড়াতে । ঘর্দটের ঘাঁটি সেই আটচালার আড়ত ভেদ করে । শিং দিয়ে ষাঁড়টা যে দরজা বানিয়েছিলো—সেই সংদরজা দিয়ে এলো আমাদের জীবন । ষাঁড়ের পদাংক অনুসরণ করে ।

‘অ্যা, তুই কি ছিলিস নাকি রে ওর ভেতর ? ওই আটচালায়—বারারাত ? অ্যা ?’ অবাক হয়ে আমরা জীবনকে দেখি । আমাদের জীবনের অস্টম আশ্চর্যকে ।

‘এই কি তোমার ঘুম ভাঙলো নাকি রে?’ ভজ্জু ওকে শুনায়।

‘ঘুমুতে পেলাম কোথায়? আরামে যে একটু ঘুমুনবো তার যো কি!’
চোখ মুছতে মুছতে জীবন জানায়: ‘যা ঝড়বৃষ্টি গেছে কাল রাত্তিরে! যত
না বিষ্টি তার চেয়ে ঝড়—যতো না ঝড় তার ঢের বেশি মেঘের ডাক!’

‘মেঘের ডাক—বলিস কিরে?’

‘বলছি কী তবে? ভাবলুম যে, তোরা নেই, কোনো ঝামেলা হবে না।
আরামে ঘুমুনো যাবে। কিন্তু হোস্টেলে কি তোরা ঘুমুতে দিবি?
এগারোটোর সময় ফিরে এসে হৈ-হল্লা লাগাবি সবাই—আমার সাপের ঘুমটাই
ঘাটি করবি তখন। তাই ভাবলুম তার চেয়ে চল যাই আটচালায়—কাঠকুটরো
সরিয়ে—ঘুন্টেদের সরিয়ে হাটিয়ে—মজাসে ঘুম লাগাই গে একখান।’……

‘তা তোমার বেশ ঘুম হয়েছিল তো! ঘুমিয়েছিস তো ভালো করে?’

‘টের পাসনি কিচ্ছু?’ ভজ্জুর কথা আমার কথার পিঠেই।


‘ঘুম? তা, ঘুম একরকম হয়েছে—কেন, কী টের পাবো, বলতো?’
সে একটু অবাক হয়।

‘এই—এই একটু ইতর-বিশেষ?’ ভজ্জু একটু ঘূঁরিয়ে বলে—‘কারো হাঁক
ডাক?’

‘বললাম কি তবে? ঝড়বৃষ্টি কি কম গেছে কালকে? আর, কী বাজ-
পড়া আওয়াজ রে ভাই! আর ঝড়েরও কি তেমনই দাপট? হাওয়ার চোটে
একগাদা ঘুন্টে এসে পড়েছে আমার ঘাড়ের ওপর—কখন যে, তার কিচ্ছু আমি
টের পাইনি। সকালে উঠে দেখলাম সারা গায় ঘুন্টের জেপমুড়ি দিয়ে শূয়ে
আছি। কিন্তু আওয়াজটা যা! বাপুসু! ঘুমের মধ্যেও হানা দিয়েছে
আমার। রাতভোর কী কড়াঙ্কড়! এমন মেঘের ডাক জীবনে শুনিনি!’

জীবনের ঘুমকাহিনী (কিন্তু ঘুমের জীবনকাহিনী) হাঁ করে শুন
আমরা!

Ghumer Bohor by Shibram Chakrabarty



For More Books & Music Visit www.MurchOna.com

MurchOna Forum : <http://www.murchona.com/forum>

suman_ahm@yahoo.com

s4suman@yahoo.com